



UNIVERSITÄTS-
BIBLIOTHEK
PADERBORN

Universitätsbibliothek Paderborn

**Svmma Bvllarii Earvmve Svmmorvm Pontificvm
Constitvtionvm Qvae Ad Commvnem Ecclesiae Vsvm post
volumina Iuris Canonici, vsq[ue] ad Sanctissimum D. N.
D. Pavlvn Papam V. emanarunt**

Quaranta, Stefano

Venetiis, 1619

Beneficiorum reseruatio.

urn:nbn:de:hbz:466:1-10793

beneficiorum huiusmodi, aut alias emanauerint, ac emanabunt eorum per priuationem eandem, aut alias quomodolibet occurrenda vacatione, nullo vnquam tempore a nobis, seu Sede, aut alijs legatis predictis, vel quibusuis illarum Ordinarijs Collatoribus impetrare, aut ab alijs impetrari, seu sibi conferri, & de illis prouideri facere quoquomodo posse seu debere, sed illos penitus ad illa in posterum obtinenda inhabiles fore, & esse, ac quascunq; impetrationes sic ab eis etiam, vt præfertur, qualificatis, necnon collationes, & prouisiones, ac quasuis alias dispositiones aut alias concessionem de ecclesijs, monasterijs, prioratib; & beneficijs huiusmodi etiam per nos aut prædecessores nostros, etiam motu, & potestatis plenitudine similib; hætenus quomodolibet factas, & in posterum faciendas, nullas irritas, & inanes nulliusq; roboris, & momenti existere, nullumq; per illas eis ius questitum fuisse, fore, aut esse seu dici, vel censei, ac de annali, & triennali possessore, aut alias Cancell. Aposto. regulas, seu alias Constitutiones eis aduersus præmissa nullatenus suffragari posse sed illos eis sic impetratis omnino priuatos, & ab eis amouendos esse, prout nos harum serie priuamus, & amouemus, ac priuatos, & amotos esse denunciamus, & ita &c. Non obstantibus &c.

BENEFICIORVM RESERVATIO.

PRÆTER Summissas sciendum est quod quibusuis Archiepiscopis, Episcopis, & alijs locorum Ordinarijs in virtute sanctæ obedientiæ, ac sub suspensionis a diuinis, & interdicti ingressus ecclesiæ quo ad Archiepiscopos, & Episcopos, quo vero ad alios inferiores etiam sub excommunicationis, & alijs arbitrii nostri, & quod ad omnes sub priuationis facultatis conferendi beneficia in eorum mensibus pro tempore vacantia pœnis districte præcipimus, & inhibemus ne beneficia dispositioni Apostolicæ reseruata, seu affecta quouis prætextu, causa aut qualito colore cuiquam conferre, seu de illis prouidere aut in illis, seu eorum possessione sese intramittere quoquomodo audeant vel præsumant, inquit Pius Quartus in Constitutionibus sub die 22. & 25. Aprilis 1561. fol. 699. in Bull. incip. Volentes, & in alia incip. Cupientes, & Pius V. fol. 1008. in Bullario vide supra in verbo beneficiorum possessio & illas Pii Quinti, vide infra in fine huius verbi Beneficiorum reseruatio. Et nota pro ampliacione extrauag. com. Pauli Secundi de præb. sub quo titulo etiam habetur extrauag. Benedicti xii. incip. Ad regimen, & Ioannis 22. incip. Execrabilis. vbi de beneficijs Sedi Apostolicæ reseruatis. In c. 2. a 3. & in c. præfenti, de præb. in 6. tractatur de vacantibus in curia & ac in extrauag. comm. Bonif. 8. eodem tit. Aliæ reseruaciones sunt in regulis Cancellariæ quas habes infra in verbo Regulæ Cancellariæ ac collatores scire oportet b & dictæ Bullæ Pii 4. & 5. loquuntur quando tempore vacationis fructus spectant ad Cameram Apostolicam.

cong.
tit. de
præb.

Nota etiam quod nulliter prouisus ab ordinario de beneficio seruato impetratione postea faciendâ a Papa oportet mentionem facere de nulla collatione facta ab ordinarijs alias est inualida vt per AEnçâ de falconibus in tract. reseruac. benef. in 35. effectu: fol. 48.

Reseruatio beneficiorum vacantium, & quæ in posterum vacabunt Sede Episcopali vacante fuit facta per Constitutionem Pii V. incip. Sanctissimus, vt in Bull. fol. 167.

Rursus omnia beneficia vacantia propter crimen hæresis sunt reseruata Sedi Apostolicæ per Constitutionem Pii V.

Bulla

*Bulla Sanctiss. D. N. D. Pij diuina prouidentia Papa Quinti super
reseruatione beneficiorum.*

Pius Episcopus Seruus Seruorum Dei, Ad perpetuam rei memoriam.

CVM ex Apostolatus officio nobis (meritis licet imparibus) credito, cura dominici gregis nobis immineat generalis, & exinde teneamur, more vigilis pastoris, vigilare, & attentius prouidere, vt Ecclesijs, Monasterijs, & quibusuis alijs beneficijs ecclesiasticis nunc & pro tempore, propter crimen hæresis, vacantibus, & vacaturis, tales viri eis præficiantur idonei, qui detestandas ac nefarias hæreses diabolo d'feminante contra veram, & orthodoxam fidei puritatem extorcas, de agro Domini extirpare, & populos tibi commissos ad catholicam Ecclesiam veritatem reducere, doctrina, verbo, & boni operis exemplo valeant. Præmissorum itaque consideratione inducti, & alijs ad id suadentibus rationabilibus causis, nonnullis etiam prædecessorum nostrorum vestigijs inhatendo, Motu proprio, non ad alicuius nobis super hoc oblatæ petitionis instantiam, sed de mera nostra volûtate, & deliberatione omnia & singula beneficia ecclesiastica cum cura, & sine cura, sæcularia, & quorumuis ordinum etiam Sancti Iohannis Hierosolymitani, & aliarum quarumuis militiarum regularia quecumque & qualiacunque sint, etiam si sæcularia, canonicatus, & præbendæ, dignitates, personatus, administrationes, vel officia in cathedralibus etiam metropolitanis, vel collegiatis, & dignitates ipsæ in cathedralibus etiam Metropolitanis post pontificales maiores, seu collegiatis ecclesijs huiusmodi principales, Regularia vero beneficia huiusmodi monasteria etiam consistorialia, prioratus, præpositura, præpositus, dignitates etiam conuentuales, personatus, administrationes, vel officia etiam claustralia, ac hospitalia, & præceptorat, & alias quomodocunque qualificata fuerint, ordinationi, & dispensationi nostræ, & Sedis Apostolicæ hac per petua Constitutione valitura auctoritate Apostolica tenore præsentium reseruamus, Declarantes omnes & quascunque impetrationes de beneficijs vt præfertur, quomodocunque qualificatis certo modo in futurum faciendas, & obtinendas, beneficia huiusmodi propter hæresim vacantia, & in futurum vacatura non comprehendere, nisi specialiter, & dispositione vacationis modus propter crimen hæresis expressus fuerit, & illum nullo modo sub quibusuis clausulis, & decretis comprehendere quatumcunque generalibus in quibusuis gratiis & concessionibus per nos & Romanos Pontifices successores nostros faciendis, etiam per fiat signatis & concessis, Ac decernentes omnes & quascunque impetrationes de quibusuis beneficijs, vt præfertur qualificatis hætenus factas, & obtentas, nisi earum vigore in iudicio per impetrantes crimen huiusmodi deductum fuerit, & super eo sententiam fauorabilem obtinuerint, vel dictorum beneficiorum possessionem assequuti fuerint, ad vacationem huiusmodi propter crimen hæresis se non extendere, & illum neminem comprehendere, licet per quoscunque iudices, & commissarios quauis auctoritate fungentes etiam sanctæ Romanæ Ecclesiæ Cardinales iudicari, & interpretari debere. Irritum quoque & inane si secus per quoscunque quauis dignitate & auctoritate præditos, iudicatum fuerit, decernimus. Volumus autem quod præsentis literæ in Cancellaria nostra Apostolica, & acie campi Floræ de more publicentur, & inter Constitutiones perpetuo valituras describantur. Et quia difficile foret præsentis ad singula queque loca deferri, Volumus & etiam de
claramus,

claramus, quod earum transumptis etiam impressis, manu alicuius Notarii subscriptis, ac sigillo alicuius Prælati munitis, eadem prorsus fides adhibeatur, quæ presentibus adhiberetur, si foret exhibitæ, vel ostendæ. Nulli ergo omnino hominû liceat hanc paginam nostræ reservationis, declarationis, decreti, & voluntatis infringere, vel ei ausu temerario contraire. Si quis autem hoc attentare præsumpserit, indignationem omnipotentis Dei, ac beatorum Petri & Pauli Apostolorum eius se noverit incursum. Datum Romæ, Apud sanctum Petrum Anno Incarnationis Dominicæ Millesimo, quingentesimo, sexagesimo sexto, sexto Kalen. Februarii. Pontificatus Nostri Anno secundo.

Ca. Glorierius.

Visa de Curia Io. Rouetius R.

H. Cumyn.

Registrata apud Casarem Secretarium.

Locus ✕ sigilli plumbei.

Anno a Natiuitate Domini Millesimo, quingentesimo, sexagesimo septimo, In dictione decima, Pontificatus Sanctissimi in Christo patris Pii Papæ Quinti Anno secundo, die vero decima septima mensis Februarii. Retroscriptæ literæ affixæ, & publicatæ fuerunt ad valuas Cancellariæ Apostolicæ, & in acie Campi Floræ per nos Antonium Clerici, & Io. Andream Rogerium prædicti Sanctissimi Domini Nostri Papæ Cursores Scipio de Octavianis Magister Cursorum.

Gregorius autem xiii. annullauit collationes beneficiorum personis prohibitis propter genus, aut hæresim & a fide apostasiam, & sunt reseruata vt in eius constit. publicata Romæ die 18. Nouembri 1580. incip. In ecclesiis, fol. 1297. in Bullario.

Gregorius Episcopus seruus seruorum Dei ad perpetuam rei memoriam

In ecclesiis præsertim insignibus, hoc magnopere curandum est, ut sacerdotes, & persone, salubribus earû institutis cõuenientes ordinentur, quod quantum in nobis est enitumur, adque eos ab illis repellendos in primis contemnimus, qui propter genus, aut hæresim, & a fide Apostasiam, siue proprio, siue stirpis, siue cognatorum vitio contaminati, per canonicas sanctiones, aut statuta ab hac Sede firmata, aut Apostolica priuilegia prædictis ecclesiis prohibentur. Sed nobis negotiorum magnitudine distentis, huius generis nonnulli ad illarum sacerdotia frequenter obrepant, inter quos quidam existimationis suæ prodigi, & si se ab illis expulsam iri sciant, spe tamen in concessa præsumunt, se inde, vel permutacione, vel quoquo pacto, beneficium, pensionem, aut quid aliud exacturos. Nos malum hoc, quo dictæ ecclesiæ sepius diuexantur penitus euellere uolentes, præsentiam auctoritate decernimus omnes, & quascumque Apostolicas, nec non legatorum dictæ sedis, & a horum omnium ab ea facultatem disponendi habentium, ac etiam ordinarias dispositiones dignitatum, præbendarum, Beneficiorum, & officiorum eiusmodi ecclesiarû in quascumq; personas, sic infectas, & per huiusmodi sanctiones seu statuta, vel priuilegia, vt præfertur, inhabiles vires, & effectû

DON

non habere, personaſq; huiusmodi illarū prorsus vſu, & comodo carere, Beneficia que ipſa, vt prius vacare, & qua ex illis tempore diſpoſitionis Apoſtolice prædictis perſonis, illi reſeruata fuerint, vel affecta ſub eadem reſeruatione vel affectione manere, & tam illa, quam etiam omnia alia non reſeruata, neque affecta, de quibus ab ipſa ſede, ac legatis, & aliis facultatem habentibus prædictis, in huiusmodi perſonas quomodocumque diſpoſitum fuerit, ad nouam Romani Pontificis diſpoſitionem duntaxat pertinere, eaque ab aliis idoneis, ab ipſa ſede duntaxat, libere impetrari poſſe, Impetrationes tamen, ac etiam motu proprio conſeſſiones, niſi modus vacationis, nec nō caſus, ac decretum huiusmodi, nō conditionaliter aut per æquipollens, ſed definite nominatim, ac diſpoſitiue in illis exprimentur, omnino non valere ab ordinarijs vero (ceſſantibus reſeruationibus, vel affectionibus Apoſtolicis) pro tempore collata, deuolutioni, iuxta Lateranenſis ſtatuta Concilij ſubiacere, nec non irritum, & inane quicquid ſecus per quoscuque ſcienter, vel ignoranter contingerit attentari. Reſeruationibus Apoſtolicis fructuum, penſionum, & aliarum rerum huiusmodi Beneficiorum in perſonas idoneas, etiam de huiusmodi contaminatorum conſenſu factis, eiſdemque ab illis interim præſtitis, vel ſolutis nihilominus valituris. Nemo autē ignorantem præſtendēs, valeat excuſari, cum prædictæ prohibitiones ſatis manifeſtæ ſint, & quiſque ante petitionem, vel acceptationem Beneficiorum huiusmodi, nau illorum capax ſit debeat ſe probare. Nulli ergo omnino dominum liceat hanc paginam noſtri decreti infringere vel ei auſu temerario contra inc. Si quis autem hoc attentare præſumpſerit, Indignationem omnipotentis Dei, ac Beatorum Petri, & Pauli Apoſtorum eius, ſe nouerit incurſurum. Datum Romæ apud Sanctum Petrum Anno incarnationis Dominicæ Milieſimo quingentefimo octuageſimo id. Nouembris Pontificatus noſtri anno nono M. Datarius Cæ Glorierius A de Alexiis.

Item omnia beneficia recepta in confidentiam vacant ipſo iure, & ſunt reſeruata Sedi Apoſtolicæ per Conſtit. Pij Quarti incip. Rotnanum Pontificem, fol. 820. & per Conſtit. Pij V. incip. Intolerabilis. fol. 105 1. in Bullario & vide infra in verbo Simonia.

c Etiam beneficia parochialia collata nō ſeruata forma Conc. Trid. ſeſſ. 24. deref. c. 18. ſunt reſeruata vt ſtatuit Pius V. in eius conſtit. incip. In cōferendis & vide in ver. Beneficiorum parochialium collatio. Alia beneficia reſeruata refert Pariſ. de reſign. benef. libr. 2. quæſt. 6. poſt Mando. ſup. reg. Cancel. to. 1. & Hieroni. Gonzalez ſuper 8. reg. Cancel. glo. 5 1. fol. 590. vbi in gloſſa ſeq. quando beneficia dicantur affecta fol. 602.

a **ADDITIO.** Quomodo ad hunc effectum reſeruationis curia intelligi debeat adde Gomes. in reg. de trien. poſſeſſ. quæſtio. 3 1. verſ. ſed antequam ſpecialia. & Mandos. in quæſtion. 2. 5. reg. reſeruatur, & an ſit idem beneficia vacare in curia, & apud Sedem Apoſtolicam Couarr. in lib. pract. quæſt. cap. 36. ſub numero 3. Limita vt ſub huiusmodi reſeruatione non cadant beneficia illa quibus ex erectione, vel fundatione, aut alijs Conſtitut. requiruntur aliqua qualitates, ſeu certa onera iniuncta ſunt, vt ſunt præbendæ theologales, pro Magiſtro, & ſim. Conc. Trid. ſeſſ. 25. de reſo. c. 5. in cuius ſine dicitur, vt prouiſio de eis facta ſubreptitia cenſeatur, & hoc multum conducere ex mente Couarr. loc. cit. Secundo limita vt non comprehendantur beneficia quæ ſunt de menſa episcopali declarando vt per Aene. de Falcon. in tract. reſer. 3. q. prin. num. 1. & 2. quæ vero talia ſint, vide gloſ. in clem. frequens in ver. ad menſam, & ibi Card. Zabar. de exceſſ. præl. & eundem Zabar. cum gl. in clem. quia regulares in ver. de menſa de ſupp. neglig. præl. & Pau. Ro. in tract. de penſ. c. 1. nu. 7.

Tertio

Tertio limita in terminis c. si apostolica de preb. in 6. Quid autem dicendum sit in beneficijs iuris patronatus laicorum vacantibus in curia prater Doc. h. c. 2. de preb. in 6. adde Staph. de lit. grat. tit. de mod. & for. impet. nu. 7. & infra Lap. alleg. 96. Rebuff. in 3. par. signat. ver. nec non iuris patronatus Mandos. in reg. 1. Cancel. q. 10. & in trac. de signa. grat. ver. Derogationes iuris patronatus Lambert. in tract. de iure patron. q. 6. prima par. lib. 2. art. 12. Paris. de resign. benef. lib. 2. q. 4. nu. 45. & inf. & denique Couar. d. c. 36. num. 4. & 7.

Controuertitur tamen inter aliquos num. capitu Statutum. de preb. in 6. disponens (quod si Papa beneficia vacantia incuria per mensem a die vacationis numerandum non conferat possint illa conferri ab illis ad quos collatio pertinebat) sit reuocatum, & correctum per iura noua nempe per extrauag. in c. Ex debito, de elec. & extrau. inc. Praesollicitudinis de preb. inter com. quam controuersiam ceteris omis- sis videre poteris per Staph. in tract. de grat. & expectat. sub num. 28. per Mand. in add. ad Lap. alleg. 96. lit. e. & per Aen. de Falcon. in tract. de reseru. q. 4. prin. nu. 2. in 6. effect. poterit tamen defendi & corroborari opinio inclinantium in fauorem Epi- scoporum ea & potissimum ratione, quia cum c. Statutum nihil de nouo concedat eo, quod potestas Episcoporum reducat ad suum ius primarium iuxta tex. in c. peruenit. 11. q. 1. cum similib. & res. de facili ad naturam suam reuertatur c. ab exordio 35. dist. 1. si vnus S. pactus. ne peteret. ubi Iason ff. de pact. & hoc esse fauorabile per plu- rum probat. Felin. in c. cum omnes. num. 8. de const. & per consequens potius amplian- dum quam restringendum vulgat. iuribus.

b Quae sint causae propter quas Summi Pontifices inducti fuerunt ad faciendas huius- modi reservationes vide per Card. Simon. in tract. reseru. benef. questio. 3. Quae be- neficia sio. reseruata intellige ut semper durent affecta etiam per obitum ipsorum Pontificum, & ipsa Romana Sede vacante ut in extrauag. incip. ad Romani Ponti- cis inter com. sub tit. de preb. & extat. regula. Cancel. nona incip. Item declarauit licet talis affectio multoties nascatur ex appositione manus Papae cui datum est in prerogatiuam suprema potestatis ut in quibus ipse manum apposuerit alij se intro- mittere non possint, ut in cap. nostrum. de appel. & plenius per Mandos. q. 5. progm. reg. Cancel.

c Quae constitutio est in viridi obseruantia referente Parisio. in tract. de resign. be- nef. lib. 8. q. 9. sub num. 79. & ad interpretationem dicti decreti Conc. Trid. disponen- tis in vacatione ecclesiarum parochialium debere fieri examen per concursum vide Fusc. in tract. de visit. lib. 2. c. 5. & eundem Paris. d. q. 9. & libr. 10. q. 7. in quibus lo- cis ad intelligentiam dicti decreti prater alia scitu digna & necessaria satis notabi- liter congerit quamplures decisiones Illustrissimorum Cardinalium deputatorum su- per declaratione Conc. Trid. ponens etiam formulam Edicti circa examen eorum qui ecclesiae parochiali praeficiendi sunt.

Insuper quod atinet ad materiam reservationis beneficiorum Conc. Trid. sess. 24. de refor. c. 19. annullat. & prohibet mentales reservationes quas declarant Cassado. decis. 4. cum tribus seq. sub tit. de reseru. & Mandos. q. 4. & 15. num. 7. 11. reg. Can- cel. & explicat Sim. in tract. reseruatio. benef. quest. 4. & 15. fol. 20. & 72.

*Pius Papa IIII Dilecto filio Donato Matthæo Minali Thesaurario, ac spoli-
 orum, & iurium Camera Apostolicæ in tota Italia collectore generali no-
 stro. Dilecte fili salutem, & Apostolicam Benedictionem.*

Volentes ne Beneficia ecclesiastica dispositioni Apost. reservata, in quibus collectores, & subcollectores spoliorum, & iurium Camera Apostolicæ esse consueverunt pro tempore vacantia ab ullis personis, quæ sua non sunt que rentibus indebite occupentur, oportune providere, Te de cuius fide, solertia, & diligentia, plurimum in Domino confidimus, nostrum, & eiusdem Camera Commissarium, ad infra scripta omnia, & singula faciendâ, & gerendâ Auctoritate Apostolica tenore præsentium constituimus, & deputamus. Tibi mandantes, quatenus per te, vel subcollectores tuos viros Ecclesiasticos, nostro, & dictæ Camera nomine omnium, & singulorum Beneficiorum cum cura, & sine cura secularium, & quorumvis ordinum regularium, nostræ, & Sedis Apostolicæ dispositioni, tam per constitutiones Apostolicas, quam Cancellariæ Apostolicæ regulas editas, & edendas, seu alias quomodocumque, & qualitercumque reservatorum, seu affectorum in dictis Italiae partibus, earumque Civitatibus, & diocesis, & consistentiis, per obitum etiam apud Sedem Apostolicam, quorumcunque illa in titulum, seu commendam, aut alias quomodolibet obtinendum, & possidentium, pro tempore vacantium, etiam si secularia, canonica, & præbenda, dignitates etiam maiores, & principales, seu simplicia, vel alias quomodolibet nuncupata, regularia vero Beneficia huiusmodi, monasteria, & confistorialia, prioratus, prepositura, præpositatus, dignitates, etiam conventuales personatus, administrationes, vel officia, etiam claustralia, ac tam illa, quam alia Beneficia præfata curata, & electiva, & etiam litigiosa fuerint, statim habita notitia vacationis huiusmodi præsentium vigore realem, & actualem possessionem capias, & apprehendas, & captam, & apprehensam, amoris ex inde, etiam absque vitio spoli, quibusvis (præter quam auctoritate Apostolica prouisis) de temptoribus, & intrusis, quos si de iure eorum in petitorio, vel possessorio experiri voluerint, in Romana curia attenda reservatione huiusmodi iudicialiter agere mandamus, teneas, & conserues, & eorumdem Beneficiorum fructus, redditus, & proventus exigas, percipias, & leues, ipsamque possessionem cum dictis fructibus sic exactis illis tradas, & relaxes, qui literas collationis, seu commendæ nostræ sub plumbo expeditas tibi exhibuerint, & præsentauerint, & quo ad litigiosa, cui de iure tradenda fuerint, contradictores quoslibet, non prouisos, vi præfertur, & rebelles, & in dictis beneficijs intrusos, ac tibi, vel a te deputandis in præmissis non parces, eisq; auxilium, consilium, vel fauorem præstantes, cuiuscunque dignitatis, etiam episcopalis, vel maioris, ac status, gradus, ordinis, & conditionis fuerint, per censuras, & interdicta, ac alias penas ecclesiasticas a personis ecclesiasticis per te eligendis huiusmodi fulminandas, ac priuationis Beneficiorum per eos obtentorum, inhabilitatisque ad illa, & alia in posterum obtinenda, ac pecuniariis non arbitrario moderandas, & applicandas, aliaque opportuna iuris, & facti remedia appellatione postposita compescendo, ac legitimis super his habendis seruatis processibus, censuras, & penas huiusmodi etiam iteratis vicibus aggrauando, inuocato etiã ad hoc, si opus fuerit, auxilio brachij secularis, & nihilominus, ne aliquod impedimentum huic nostræ ordinationi occurrat, Quibus vis Archiepiscopis, & alijs locorum ordinarijs, in virtute Sanctæ obedientiæ, ac suspensionis a diuinis, & in-

& interdicti ingressus ecclesie, quo ad Archiepiscopos, & episcopos, quo ad vero alios inferiores etiam sub excommunicationis, & alijs arbitrij nostri, & quo ad omnes sub privationis facultatis conferendi Beneficia in eorum mentibus, pro tempore vacantia pœnis districte præcipimus, & inhibemus, ne beneficia dispositioni Apostolicæ reservata seu affecta prædicta, quovis prætextu, causa, aut quavis colore cuiquam conferre, seu de illis prævidere, aut in illis eorum possessione sese intromittere quoquomodo audeant, vel præsumant. Sicque in præmissis omnibus, & singulis per quoscunque quavis auctoritate fungentes iudices, commissarios, & personas, sublata eis, & eorum cuilibet quavis aliter iudicandi, & interpretandi facultate, & auctoritate, iudicati, & diffiniri debere, irritum quoque, & inane decernimus, si secus super his a quoquam quavis auctoritate scienter vel ignoranter, contigerit attentari. Non obstantibus felicitis recordationis Bonifacii Papa. VIII. prædecessoris nostri de vna, & Concilij generalis de duabus diebus, dummodo non ultra tres aliquis auctoritate presentium ad iudicium trahatur, & alijs constitutionibus, & ordinationibus Apostolicis, privilegijs quoque indultis, & literis Apostolicis quibusvis personis, sub quibuscumque tenoribus, & formis concessis, & confirmatis, (quibus omnibus eorum tenores, presentibus pro sufficenter expressis habentes, illis alias in suo robore permansuris, hac vice dumtaxat specialiter, & expresse derogamus) ceterisque contrariis quibuscumque. Aut si aliquibus communiter, vel diuisim ab eadem sit se de indultum, quod interdicti, suspendi, vel excommunicari non possint per literas Apostolicas, non facientes plenam, & expressam ac de verbo ad verbum de indulto huiusmodi mentionem, volumus autem quod Beneficia prædicta, quam diu in manibus subcollectorum, vel aliorum a te deputatorum fuerint, debitis propterea non fraudentur obsequijs, & animorum cura, si qua illis imminet nullatenus negligantur, sed illorum congrue supportentur onera cõsuetæ, quod quæ trãsumptis presentium manu Notarii publici subscriptis, & tuo sigillo munitis eadem prorsus fides in iudicio, & extra adhibeatur, quæ eisdem presentibus adhiberetur, si forent exhibite, vel ostensæ. Datum Romæ Apud Sanctum Petrum sub annulo piscatoris, die vigesima secunda Aprilis millesimo, quingentesimo sexagesimo primo, pontificatus nostri anno secundo.

Cę. Gloricius.

Bulla Pij Papa IV.

Pius Papa IIII. ad futuram rei memoriam. Cupientes malitijs nonnullorum qui in possessione Monasteriorum, & aliorum Beneficiorum ecclesiasticorum Dispositioni Apostolicæ reservatorum, pro tempore vacantium sine iusto titulo, ac sine literis Apostolicis ut illorum fructus durante vacatione huiusmodi vsurpent, se intrudere non verentur occurrere, & Camera nostræ Apostolicæ gravissimis oneribus in aliqua parte subleuandis, quantum cum Deo possumus consulere. Motu proprio, & ex certa scientiam, ac matura deliberatione nostris, deque Apostolicæ potestatis plenitudine, omnes, & singulos fructus, redditus, & proventus, ac iure obventiones, & emolumenta quacunque, quomodo liber, & qualitercumque nuncupata, omnium, & singulorum monasteriorum etiã Conventualium, & beneficiorum ecclesiasticorum, cum cura, & sine cura, secularium, & quorumvis ordinum regularium nobis, & Sedi Apostolicæ, tam per Constitutiones Apostolicas, quam Cancellariæ Apostolicæ regulas editas, & edendas, seu alias quomodolibet, & ex qua vis causa generaliter, vel specialiter reservato-

rum

rum, seu affectorum in partibus Italiae, in quibus Collectores, & subcollectores spoliatorum, & iurium, Camerae Apostolicae praedictae esse consueverunt, ac earum Ciuitatibus, & Dioc. consistentium, per obitum, & alias quouis modo praeterquam per cessum illa obtinentium, pro tempore vacantium, a die ipsorum Monasteriorum, & Beneficiorum vacationis, pro rata temporis usque ad diem prouisionis, seu Comendae de eisdem Beneficijs, & Monasterijs per nos faciendae, de qua per literas nostras sub plübo, & non aliter constare debere volumus, eidem Camerae Auctoritate Apostolica tenore praesentium reservamus, applicamus, incorporamus, & appropriamus, illaque ei reservata, applicata, incorporata, & appropriata esse, & fore, & ad illam spectare, & pertinere, nullumque praeter nos, & dictam Camerae, aut dilectum filium Donatum Mattheum minalem, ac pro tempore existentem Thesaurarium nostrum, ac spoliatorum, & aliorum iurium ipsius Camerae Collectorem generalem, vel eius subcollectores ea praecipere, exigere, & recuperare, aut alias se in illis intromittere posse, aut debere, tenore praesentium statuimus, & ordinamus, & nihilominus, ne aliquod impedimentum huic nostrae ordinationi occurrat, quibusuis Archiepiscopis, episcopis, & alijs locorum ordinarijs, in virtute sanctae obedientiae, ac sub suspensionis a diuinis, & interdicti ingressus ecclesiae, quo ad Archiepiscopos, & episcopos, quo ad vero alios inferiores, etiam sub excommunicationis, & alijs arbitrij nostri, & quo ad omnes sub priuationis facultatis conferendi Beneficia in eorum mentibus pro tempore vacantia poenis districte praecipimus, & inhibemus ne Beneficia dispositioni Apostolicae reservata, seu affecta praedicta, quouis praetextu, causa, aut quaesito colore cuiquam conferre, seu de illis prouidere, aut in illis, vel eorum possessione, fere intromittere quoquomodo audeant, vel praesumant, sicque in praemissis omnibus, & singulis per quoscumque quauis auctoritate fungentes iudices, Comissarios, & personas, sublata eis, & eorum cuiuslibet quauis aliter iudicandi, & interpretandi facultate, & auctoritate, iudicari, & diffiniri debere, Irritum quoque, & inane decernimus si secus super his a quoquam, quauis auctoritate, scienter, vel ignoranter contigerit attentari. Mandantes eidem Donato Mattheo, & pro tempore existenti Thesaurario, & collectori, ut nostro, & dictae Camerae nomine, fructus, redditus, proventus, iura, obventiones, & emolumenta huiusmodi, per se, vel eius sub collectores praedictos, etiam propria auctoritate, exigat, percipiat, & leuet, sibi que nihilominus consignari, & tradi ab omnibus ad quorum manus prouenerint pro rata praedicta, per censuras, & poenas ecclesiasticas, per personas ecclesiasticas ab eo eligendas, fulminandas, & alia oportuna iuris, & facti remedia, quacumque appellatione postposita, faciat, & curet, inuocato etiam si opus fuerit auxilio brachij secularis, super quibus omnibus, & singulis, plenam, & liberam illi per praesentes concedimus facultatem, non obstantibus constitutionibus, & ordinationibus Apostolicis, ac monasteriorum, & illorum ordinum ac beneficiorum praedictorum, etiam in iuramento confirmatione Apostolica, vel quauis firmitate alia roboratis statutis, & consuetudinibus, privilegijs quoque, indultis, & literis Apostolicis, illis, & quibusuis alijs personis, sub quibuscumque tenoribus, & formis, ac cum quibusuis etiam derogatorijs derogatorijs alijsque efficacioribus, efficacissimis, & insolitis clausulis irritantibusque, & alijs decretis, etiam motu, & scientia similibus concessis, confirmatis, & in nouatis, quibus omnibus, etiam si pro illorum sufficienti derogatione, de illis, eorumque tenoribus, specialis, specifica, expressa, & indiuidua, ac de verbo ad verbum, non autem per clausulas generales idem importantes mentio, seu quauis alia expressio

expressio habenda foret. tenores huiusmodi præsentibus pro sufficienter expressis, & insertis habentes, illis alias in suo robore permanentibus, hac vice duntaxat harum serie specialiter, & expresse derogamus, illaque aduersus præmissa nullatenus suffragari posse, siue debere decernimus, ceterisque contrarijs quibuscunque. Volumus autem quod ea fructibus, redditibus, & proventibus per dictum Thesaurarium, & etiam deputatos pro rata huiusmodi percipiendis onera quæcunque dictis beneficijs in cumberia, similiter pro rata temporis supportari debeant, quodque præsentium manu Notarij publici subscriptis transumptis, & sigillo personæ in dignitate ecclesiastica constituta, seu curiæ ecclesiasticæ munitis, eadem prorsus fides in iudicio, & extra adhibeatur, quæ eisdem præsentibus adhiberetur, si forent exhibitæ, vel ostense. Datum Romæ apud Sanctum Petrum sub annulo piscatoris die 25. Aprilis 1561. Pontificatus nostri anno secundo Cæ Glorietus.

BLASPHEMIA.

PRÆTER Summissas sciendum est, quod quicumque clericus Deum, & D. N. Iesum Christum, vel gloriosam Virginem Mariam eius genitricem expresse Blasphemauerit pro prima vice fructibus unius anni omnium, & quorumcunque beneficiorum suorum pro secunda beneficijs priuetur, pro tertia omnibus etiam dignitatibus exutus deponatur, & in exiliū mittatur. Quod si clericus nullum obtinuerit beneficium pœna pecuniaria uel corporali pro prima uice puniatur, pro secunda carceribus mancipetur pro tertia uerbaliter degradetur, & ad triremes mittatur. Qui reliquos sanctos blasphemauerit pro qualitate blasphemie, atque personæ arbitrio iudicis puniatur. Pij V. constitutione cauetur Leonis X. in Concil. Lateranensi statuta innouando, fol. 9. in Bullar. incip. Cum primum §. ad abolendā, & de dicti Concilij statuto fol. 194. in Bullar. meminerunt & ad literam referunt Diaz. in pract. crim. cap. 110. in verbo Blasphem. Nauar. in cap. inter uerba, 11. quæst. corol. 57. num. 148 & in Couar. in c. quamuis pactum, par. 1. §. 7. sub nu. 10. de pact. in 6. de hac Pij V. constitutione uide Farinac. in pract. crim. in titu. de delictis, & pœnis q. 20. sub nu. 63. de Blasphemijs, & flagitijs Iudæorum, in qua hæreticæ prauitatis inquisitores animaduertunt extat Gregor. xij. statutum Romæ publicarum die x. Junij 1581. Incip. Antiqua, fol. 1305. in Bull. & uide Abb. in capit. gaudemus. de diuor. posui in verbo Iudei.

AD DITIO. Pœnas contra Blasphemantes impositas præter Diaz. in d. c. 110. eas diligenter recensent Boer dccif. 30. num. 9. 10. & 19. & Couar. in d. §. 7. nu. 10. & 11. & ratio quare pœna statuta in cap. 2. de maled. non habeat locum quo ad clericos prout communiter teneri attestatur ibi Abb. num. 8. est ne propter publicam illam satisfactionem uilescat dignitas ordinis clericalis. Iul. Clar. in pract. criminal. §. Blasphemia num. 3. Ignat. Lopez. in addit. ad Diaz. loc. cit. uerb. clericos non subire Quibus adde quod de iure nouissimo Pragm. Regni Neap. quo ad laicos est pœna triennium per quatuor annos, & hac est inuidi obseruantia super cuius Pragm. commentario plura notatu digna Alex. Moman. d. resap. congerit. De iure canonico nouissimo est illa que continetur in d. Conc. Lateranen. & in d. const. Pij V. est tamen animaduertendum quod uerba illa Bullæ pro prima uice interpretanda sunt pro prima uice punitionis, & nõ Blasphemie etiam si clericus fuerit pro illa prima uice inquisitus, quod pluries Blasphemasset, quia Bulla uidetur habere respectum ad correctionem clericarum ad quod facit text. in c. graue de præb. ibi post. primam. & secundam correctionem. Et ad hoc ut quis dicatur consuetus Blasphemare non

K
sufficit